

靈寶領教濟度金書卷之八十

洞微高士開光教普真人等金具後

靈寶通玄弘教水南先生林靈真編

科儀立成品生神

煉度醮儀

步虛 洒淨

衛靈咒

五靈列位煥鎮五方 始皇護魂 丹老衛形  
皓靈待魄 黑帝攝生 中央黃帝 統御萬真  
元皇誥下 幽夜開光 罪消北府 名列南昌  
金錄定籍 玉宇除殃 朱陵鍊質 飛神太蒼  
三官九府 無極神鄉 普受開度 上生天堂  
與道合真

具位臣謹同誠上啓

無上自然三寶虛皇大道元始天尊玉晨元  
皇大道君後聖玄元老君九天帝主昊天玉  
皇上帝九天採訪應元保運普化天帝九天  
自然生神上帝九天帝真元君九天文人真  
王元父道君九天真母聖后元君九天金錄  
無量生神君朱陵火府南昌上官主宰高真

九天司命府主宰高真度人不死尊神南極  
長生大君度世司馬大神好生韓君丈人南  
上司命司錄延壽益算度厄尊神迴骸起死  
無量度人君主水靈官主火靈官陽晶玉胎  
鍊神符吏石景水母鍊真符吏九天普度院  
水官拔亡真人火府度亡真人鍊度應感合  
會真靈伏聞三寶開圖散虛無之祖炁九霄  
啓運宏妙有之神功密提洪澤以敷榮昭建  
玄壇而佐理南丹布化生神開死尸之幽北  
鬱承恩死魄寧生門之旦聖力巍巍於淇露  
神功赫赫於發煙望重人天惠流今古凡皈  
心而請命必委質以投誠今齋主某伏焉亡  
故某崇建某齋開地禁以提魂靈藉九陽之  
微妙煥天光而鍊魄更資二景之希夷靖惟  
宣德以承符允屬協恭而受事敢潔縹於蘋  
薦膺預控於葵衷伏願月駟逶迤御玄虛而  
下邁雲駟撫曳從碧落以來遊駐景前惟依  
光中陞布陰陽之正化融經緯之真機某不  
勝傾僣之至謹稽首再拜祇迎  
聖駕

請聖 初獻

具位奉行某齋鍊度法事某謹同誠上啓  
無上自然三寶虛皇大道元始天尊玉晨元  
皇大道君後聖玄元老君九天帝主昊天玉  
皇上帝九天採訪應元保運普化天帝九天  
自然生神上帝九天帝真元君九天文人真  
王元父道君九天真母聖后元君九天金錄  
無量生神君朱陵火府南昌上官主宰高真  
九天司命府主宰高真度人不死尊神南極  
長生大君度世司馬大神好生韓君丈人南  
上司命司錄延壽益算度厄尊神迴骸起死  
無量度人君主水靈官主火靈官陽晶玉胎  
鍊神符吏石景水母九天普度院水火度亡  
真人鍊度醮筵內外一切真靈伏聞帝德好  
生龍簡侈度生之惠民情惡死駕班敷起死  
之恩下索為於群工上恢張於萬範欽惟神  
武風稟威儀劔佩陸離典朱陵而熙帝戴旌  
旄赫奕佐朱火以暢皇靈開九地之春陽霽  
八絃之畫景黃華聖治裁成蕩滌之功流火  
神庭變理陶鎔之績元功制地玄澤昭天今

卷八

八

卷八

九

齋主其深念亡故某人流浪冥都顯連幽路胞胎結節驚覺然以流奔臆腑形神條百散而解散夙世之塵根結習積生之業垢周羅非鍊淪於陰靈曷返還於陽耀朱函露奏冀差陰降之金綸丹旆風馳已拜闕宣之玉敕茲伸召役借布懇祈伏望彌命真曹教制仙吏九鳳扇南闕之炁五龍鼓東井之津陽燧交嬉燭萬劫無名之垢方諸澄澗滌千生有漏之塵即俾亡故某人精魄清英形魂澄正鍊神成炁返生炁於故根鍊形成神復精神於本始永離地中之地遙登天上之天蒙朱丹誠允昭玄貺某不勝懇祈之至謹伸亞獻

亞獻

真位<sub>臣</sub>某等謹重誠上啓

三清上帝十極高真懸筵內外應感真靈伏聞道尊太乙流教雨於清微化衍大千扇真風於黃混凡稟陰陽而兆質必資水火以成形走虎飛龍運真精於子午含烏育兔融妙粹於坎離九還彰地二之輝七返散天一之景鬱儀洞煥廓乾陽金紫以流華結璘泌溘

舒坤陰素黃而耀彩混合浮沉之妙交羅升降之玄梵炁龍葱靈光鬱勃珠幢玉節蕩雲佩以周旋翠葆金旌雜霞縉而容與凡期變化悉賴圓成庶使已故某氣質磨龍鋼百鍊而愈勁形魂浣濯金屋淘而益明還本來泰定之天復固有虛靈之性神神玉潔疾超跡於圓方炁炁珠圓快回靈於經緯霓裳縹緲霄路翱翔紫雲扶八景之輪橫飛寥廓碧霞映九光之座直上虛空永無輪轉之虞常享太平之運蒙如丹禱九荷洪恩某不勝虔禱之至恭陳終獻

三獻

以今銀河影轉玉漏聲連珠星璀璨於璇虛碧月玲瓏於黃道今夕何夕開生神九轉之壇此時得時飛降真五華之駕願停風傘為駐霄衢降神吏以戒嚴策仙靈而鍊度提携死炁運復生根九鍊功圓別當奉送

散壇儀

燒香頌

各禮師存念如法

宣衛靈呪

玄陰七靈九炁合形 魂精魄爽 二景回輪 飛光赫奕 煥耀長春 日月吐輝 回合華英 大梵流布 奔飛炎鈴 魔王受事 朝謁帝京 含靈普濟 廣惠幽冥 玉文教告 萬炁騰升 和與道合真

鳴法鼓二十四通

元上三天玄元太上老君召出<sub>臣</sub>等身中三五功曹左右官使者侍香金童傳言散花玉女五帝直符直日香官各三十二人出出者嚴裝闕啓玄壇天帝神君當召此間上地里域真官正神急上闕啓<sub>臣</sub>今奉為<sub>臣</sub>意以今解壇燒香願得靈寶自然生神妙炁下降流入<sub>臣</sub>等身中令<sub>臣</sub>所啓速達徑街

虛无大道九天元皇玉帝御前

請釋法位

具位奉行靈寶生神妙齋法事小北<sub>臣</sub>某與臨壇官衆等今故燒香願以是功德上為天子王侯土地官長三師四友祭酒學具弟

子其所薦亡靈九祖父母內外姻族天下人民蠕動蚩飛跂行蜉息无邊无極法界衆生既身皈神皈命

无上靈寶自然至真大道特乞原赦前生今世生死宿罪重過得免離三惡五道十苦八難九厄之中臣等身得道真飛行虛空白日升天侍衛元尊造造无上七寶自然宮殿永與道合所啟玄感應聲上御至真无極道前

禮方

志心皈命東北方鬱單無量天尊  
志心皈命東方上上禪善无量壽天尊  
志心皈命東南方梵監須延天尊  
志心皈命南方寂然兜術天尊  
志心皈命西南方波羅尼密不騎樂天尊  
志心皈命西方洞玄化應聲天尊  
志心皈命西北方靈化梵輔天尊  
志心皈命北方高虛清明天尊  
志心皈命上方无想无結无愛天尊

禮足各長跪皈命懺悔

第八

十二

日法衆等志心皈身皈神皈命

虛无大道九天生神上帝天尊以今言功解壇焚香懺悔臣聞三天播澤靈光舒化育之仁九地承恩祖炁運提魂之德荷宸恩之鑒映章齋法之周圓廣曆丹忱仰干洪造重念

臣等精神混俗容止生塵玉律昭回漂三元之校錄金科錯落嚴四極之條章重冀寬宥恪垂涵育陶靈光於九軌普暢玄宗流法雨於三途願隆聖造臣等志心稽首禮謝无上至真三寶

三啓頌

樂法以為妻 愛經如珠玉 持戒制六情  
念道遣所欲 澹泊正氣侍 蕭然神靜默  
天魔益敬護 世世享大福

又

鬱鬱家國威 濟濟經道典 天人同其願  
縹緲入大乘 因心立福田 靡靡法輪昇  
七祖生天堂 我身白日騰

又

大道洞玄虛 有念無不契 鍊質入仙真

第八

十二

遂成金剛體 超度三界難 地獄五苦解  
悉歸太上經 靜念稽首禮

三禮

臣等志心稽首禮  
太上无極大道

臣等志心稽首禮

三十六部尊經

臣等志心稽首禮

玄中大法師

重稱法位

具位奉行靈寶生神妙齋法事小兆臣某與  
臨壇官衆等謹重誠上啓

虛无自然无極大道元始天尊玉晨元皇道君萬變混沌玄元老君高上玉皇昊天上帝三寶丈人三寶帝君九天應元雷聲普化天尊无上九天生神上帝元父皇母元皇帝君三十六部尊經玄中大法師玉輔上宰四協侍宸飛天神王九天真衆三界應感一切真靈臣等野馬微生醜鷄陋質荷九天之錫慶祭三同之開光身館金符名聯玉籍煙霞躡

景盍抗志於清虛日月垂流乃棲身於埃壘  
百非未滌萬業猶羈緬惟受道之丹忱常勵  
濟時之素誓庶禔化育不負生成既奉詞文  
敢忘關奏

宣詞

按如詞旨備殫激切臣等洗心淨念滌慮疑  
神按三籙之威儀敷九霄之盟信雲璈縹緲  
風籟琳琅燦鳳萼於千枝梟龍葩於百味馳  
神丹禁請命紫虛自今月某日為始為奉齋  
法弟子其人崇建

靈寶生神妙齋第八晝夜騰詞達悃降真召靈  
揚九炁之華燐燃九厄之法炬解消結滯落  
滅冤愆極度容儀超升陽境葵忱靈奏荷三  
境以流輝芝檢風馳開九幽而御炁銘心罔  
極刻骨異殫以今釐事慶成齋功告備天人  
同慶賓主交歡羽葆翩翩將返瓊輿之仗虎  
旌掩蕩行收禁路之班盍依律以奏功為關  
盟而還賞恩惟玄穹至聖皇極元尊俯覽懇  
祈曲垂采鑑其有建齋之日上請三洞官屬  
九天真靈監齋衛真侍經護道虛空鑒察土

地神祇營衛齋功具嚴勞績即玄壇而拜表  
希洪造以酬恩臣等存念不周俯仰未備有  
五帝四司之考錄慮千愆萬過之充周等冀  
隆慈普蒙矜宥臣誠惶誠恐稽首頓首再拜  
以聞

宣表

十願

- 一願大道流行普天懷德
- 二願一切有生咸皆悟道
- 三願九夜慈魂一時解脫
- 四願孤魂無依咸得受生十五
- 五願天下太平五穀豐熟
- 六願臣忠子孝君仁父慈
- 七願四海會同冤親和釋
- 八願潜胞處卵咸得生成
- 九願積疾新病旋即痊愈
- 十願孤靈衆生豐衣足食

存神復爐

香官使者左右龍虎君侍香諸靈官當令臣  
散壇之所自然生金煉丹碧芝英百靈兼具

交會在此香火爐前臣學道得道求仙得  
仙齋主受福幽顯沾恩十方仙童玉女侍衛  
香煙傳臣向來所啓之誠速達徑御  
虛元大道九天元皇玉帝神前

出堂頌

回幕

謝師

靈寶領教濟度金書卷之八十